

41. Bréf dómsmálastjórnarinnar til stiptsyfirvaldanna á Íslandi, um læknakennslna í Reykjavík.

1868.

3. ágúst.

Samkvæmt þegnlegum tillögum dómsmálastjórnarinnar hefir hans hátign konunginum þóknast 3. þ. m. allramildilegast að fallast á:

- 1) að borgun sú, sem landlækninum á Íslandi er veitt með konungsúrkurði 29. ágústmán. 1862 úr læknasjóðnum íslenska fyrir kennslu í læknisfræði, skuli færð upp í 500 rd. á ári;

að í læknisumdæmi landlæknis megi setja kandiðat í læknisfræði frá háskólanum í Kaupmannahöfn sem „praktíserandi“ lækni, er sè skyldur að taka að sèr að vera settur héraðslæknir í þeim hluta tæðs læknisumdæmis, er nákvæmar mun verða ákveðinn, allt með þeim kjörum, sem sett eru í konungsúrkurði 10. maímán. f. á., og að honum ennfreður verði á hendur falið, að eiga þátt með landlækninum í læknakennslnunni í Reykjavík, fyrir 500 rd. þóknun á ári, úr læknasjóðnum;

að til styrktarfjár handa þeim, sem stunda læknisfræðina, skuli ákveðnar þrjár ölmusur, 100 rd. hver, þannig, að enginn lærisveinanna megi fá meira en eina ölmusu á ári og ekki halda henni lengur en í 3 ár; og

að greiða megi úr læknasjóðnum allt að 100 rd. á ári í borgun fyrir húsnæði, eldsneyti og ljósmat handa læknakennslnunni, og til þess að kaupa nauðsynleg áhöld handa henni; og

- 2) að dómsmálastjórninni skuli að öðru leyti falið á hendur, að setja nákvæmari ákvarðanir um læknakennslna.

Um leið og yður, herra stiptamtmaður og háæruverðugi herra, er tilkynnt þetta yður til leiðbeiningar og til frekari framkvæmda, skal því við bætt, að stjórnarráðið samkvæmt ósk þeirri, er þær, herra stiptamtmaður, hafið látið í ljósi í álitskjali yðar sem konungsfulltrúa á alþingi 1867 um málefni þetta, hefir sett háskólakandiðat í læknisfræði, Jónas Jónassen, frá 1. þ. m. sem „praktíserandi“ lækni í læknisumdæmi land-

1868.
3. ágúst.

læknis, og jafnframt gjört honum að skyldu að eiga þátt í læknakennslunni í Reykjavík með þeim kjörum, sem hér eru tiltekin, en með því að ekki verður vitað ennþá, í hve miklum hluta af læknisumdæmi landlæknis eigi að fela honum héraðs-læknis störfín á hendur, verðum vér að láta á yðar valdi, herra stiptamtmaður, að kveða nákvæmar á um það. Að því er snertir ítarlegri reglur um læknakennsluna, þá hefir stjórnar-ráðið ekki neitt að mæla móti því, að báðum kennurum, eins og þér, herra stiptamtmaður og háæruverðugi herra, hafið stungið uppá, verði látið á sjálfs valdi að skipta kennslunni á milli sín með samþykki stiptsyfirvaldanna, og að þrjú ár sé sett sem almennur kennslutími, með þriggja mánaða hlè á sumrin, frá 1. júlímán. til 30. septembermán. á ári hverju. Aptur á móti virðist dómsmálastjórninni ekki vera þörf á, að gjöra læri-sveinunum í læknisfræði að skyldu, að leysa af hendi próf í undirbúnings - vísindagreinunum (propædeutiske Videnskaber), áður en þeir leggi sig undir próf í læknisfræði, því að þá mundi þriggja ára kennslutími naumast hrökkva til, og hefir hið konung-lega heilbrigðisráð verið dómsmálastjórninni samdóma um það.

3. ágúst.

42. Bréf hinnar íslenzku stjórnardeildar til stiptsyfir-valdanna á Íslandi, um bókasendingu frá hinu konunglega bókasafni til stiptsbókasafnsins.

Samkvæmt konungsúrskurði 23. júlímán. 1845 hefir kirkju-og kennslustjórnin veitt samþykki sitt til, að taka megí úr hinu mikla konunglega bókasafni bækur, sem fleiri en eitt exemplar er til af, handa stiptsbókasafninu í Reykjavík. Nú er búið er að velja úr hërbil 2800 bindi, hafa verið fengnir til láns hjá herstjórninni kassar til að láta bækurnar í, og fylgja þær nú með brèfi þessu í 7 kössum, merktum með S, ásamt skrá yfir bækurnar. Skrá þessa eruð þér beðnir, samkvæmt tilmælum konunglega bókasafnsins, að senda aptur, undir eins og búið er